

INDUSTRIKONSULENTEN PÅ OSTERØY

Årsmelding 2009

Forutan direkte oppdrag for etablerarar og bedrifter og sekretærfunksjonen for Osterøy Industrilag, har følgjande oppgåver prega arbeidet i 2009: **sekretariat for Osterfjord Næringsamarbeid**, prosjektleiar for pilotprosjekt for å utløse ei **bioenerginærings** i Hordaland, prosjektleiar for eit **robotiseringsnettverk**, sekretær for **kompensasjonsstyret**, medlem i rådet for **Kompetansesenteret for CNC og robot** ved **Osterøy vidaregåande skule** og koordinator for Leonardo da Vinci finansiert **europeisk partnerskap** for kompetansesenter innan CNC og robot med 11 partnerar i 5 land.

Industrikonsulenten har bistått ved oppfølging av 7 **skattefunnprosjekt** i 2 Osterøy-bedrifter.

Talet på **nye oppdrag**, 26, var litt høgare enn føregåande år. Talet på **etableringsoppdrag**, 16, var som året før. Ca halvparten av desse nye etableringsoppdraga har resultert i **nye verksemder**. I dette talet er ikkje rekna med nyetableringar i 2009 i samband med oppdrag som er registrerte året før/tidlegare år.

I 2009 arbeidde industrikonsulenten vel 90% stilling med kombinert løn frå Industrikonsulenten og prosjektløn frå Osterfjord Næringsamarbeid.

Industrikonsulenten er **sekretær for Osterøy Industrilag**. Industrilaget har hatt mykje fokus på samferdsle og er svært godt nøgd med at arbeidet med ny veg mellom Hauge og Lonevåg starta opp i 2009 og med at massar frå veganlegg vert nytta til vegomlegging på Bysheim. Industrilaget arbeider for Armatunnelen og riksvegutbetringar og for å sikre og skaffe tenlege industriareal og stør etablering av eit større næringsareal på Espenvoll. Industrilaget arbeider også for kompetanseutvikling, m.a. innan CNC og robot. Sjå eiga årsmelding for Osterøy Industrilag.

Kommunen har gitt tilskott til Industrikonsulent-verksemda også for 2009. Dette ligg inne i kommunen sitt langtidsbudsjett. Kommunen held kontor til Industrikonsulenten.

Me får tilskott på kr 35.000 frå **Hordland fylkeskommune** via **Osterfjord Næringsamarbeid** til næringsutviklingsarbeid. Osterfjord

Godkjend av styringsutvalet 26.4.2010

Næringsamarbeid har godtgjort arbeidet som sekretær for næringssamarbeidet med kr 70.000.

OPPDRA�

Forutan ein del oppdrag frå året før som det har vore arbeidd vidare med, har Industrikonsulenten altså fått **26 nye oppdrag i 2008**. Dette er både reine kontakt- og informasjonsformidlingsoppdrag og oppdrag der konsulenten har gjort ein "jobb" for verksemda. Omfanget av oppdraga varierer frå oppdrag som vert løyste pr telefon til det største oppdraget som var på 80 timer.

Oppdraga var fordelt slik:

	2006	2007	2008	2009
Nye etableringsoppdrag	15	19	16	16
Nye oppdrag for etablerte verksemder	13	11	8	10
SUM	28	30	24	26

I tillegg til det som er registrert som "oppdrag", kjem ei rekke kontaktar med verksemdene gjennom sekretærfunksjonen for Industrilaget og gjennom prosjektarbeid.

For mange av etableringsoppdraga var ønsket om å ha ein "samtalespartner" utgangspunktet for kontakten. Von om gunstig "finansiering/torskott" var utgangspunkt for nokre. 6 personar tok kontakt for å få utarbeidd "næringsfagleg vurdering" som grunnlag for støtte gjennom NAV. Mellom etableringsoppdraga var det 5 oppdrag for personar med utanlandsk statsborgarskap. Her har det vore ein klar auke. Det at det finst tilskotts-ordningar, er eit hjelpemiddel til å kome i kontakt med oppdragsgjevarane. Men det er svært få som oppnår å få tilskott. Skattefunnordninga med skattefrådrag for utviklingsarbeid er ei bra ordning for veletablerte bedrifter, men det er no få som nyttar seg av ordninga.

Følgjande oppstilling syner korleis oppdraga er fordelt med omsyn til storleik på verksemdene:

Tilsette	Tal oppdrag
Nyetablering	16
1-4	2
5-9	1
10-19	2
20-49	2
50-100	3
SUM	26

Dei fleste av oppdraga er komne i stand etter initiativ frå kunden, eventuelt etter tips frå andre som t.d. NAV. Kva oppdrag Industrikonsulenten arbeider med, vert i stor grad styrt av dei som er initiativrike. Ved 70% av oppdraga var første kontakt pr telefon og resten ved personleg møte eller epost. Oppdraga har vore frå 25 ulike etablerarar / verksemder. For 1 verksemd er det handsama 2 oppdrag.

Oppdraga for **eksisterande verksemder** bransjefordelt:

Mekanisk industri	4
Anna industri	4
Tenester	2
SUM	10

I desse tala kjem ikkje med oppdrag for eksisterande verksemder som har gått over fleire år.

Etableringsoppdrag bransjefordelt:

Ulike former for tenester	8
Industri	1
Bygg og anlegg	3
Handel	4
SUM	16

Det er vanskeleg å seie kor mange verksemder det vert av desse etablerings-sakene, mange etableringar skjer over tid, men ca halvparten har starta ny verksemd i løpet av året.

NYREGISTRERINGAR I FORETAKS-REGISTERET

For å gje eit bilete av nyetableringsaktiviteten på Osterøy, tek me med informasjon som byggjer på kunngjorde nyregisteringar i Foretaksregisteret i 2009. Dette dekkjer ikkje dei som berre er registrerte i Einingsregisteret (t.d. enkelt-personforetak som ikkje driv handel).

Selskapsform	Tal registrerte
Aksjeselskap, AS	26
Delt ansvar, DA	2
Ansvarleg, ANS	1
Norsk utanlandsk foretak i Norge, NUF	4
Enkeltpersonforetak	4
Sum	37

Bransjar

Fleire foretak opererer i fleire bransjar. Her er berre teke med den bransjen som truleg er viktigast:

Bransjar	Tal registrerte
Eigedom, investeringsselskap	14
Bygg og anlegg	10
Tenester (elles)	4
Handel	2
Transport	2
Industri (vidareføring etter konkurs)	1
Kultur, reisebyrå, design, servering	4
Sum	37

ANDRE SAKER INDUSTRIKONSULENTEN HAR ARBEIDD MED

Forutan å vera **sekretær for Osterøy Industrilag** (sjå eiga årsmelding) har Industrikonsulenten arbeidd med mellom anna følgjande oppgåver av meir generell karakter for Osterøy-næringslivet;

* Osterøy-næringslivet fekk **kompensasjon for auken i arbeidsgjevaravgifta** frå 1.1.2000 t.o.m. 2003. Industrikonsulenten er sekretær for kompensasjonsstyret. Kompensasjonsstyret har arbeidd aktivt for å bidra til realiseringa av ny **riksveg 567 Hauge – Lonevåg** og har ytt tilskott på ca 8 mill kr i kompensasjonsmidlar. Bompengefinansieringa vart godkjend i Stortinget i desember 2007 og hausten 2009 var det byggestar. Kompensasjonsstyret har initiert eit spleislag for **vegomlegging på Bysheim ved hjelp av tunnelmassar**. Også dette arbeidet starta 2009. Etter at **Osterøy Utvikling** vart avvikla pr 1.4.05, tok kompensasjonsstyret på seg å forvalte restmidlane på 1,65 mill kr. Det er brukt midlar i samband med vidareutvikling av **Osterøy vidaregåande skule** innan feltet CNC og robot. Dette har gitt svært gode resultat, både m.o.t. **nytt skulebygg** som fylkestinget har vedteke å ha ferdig til skulestart i 2010 (byggestar i januar 2009) og utvikling av undervisningstilbodet. Industrikonsulenten representerer Osterøy Industrilag i rådet for **Kompetansesenteret for CNC og robot** ved **Osterøy vidaregåande skule** som vart formelt etablert 1.1.2009. I tillegg til at det vert bygd ny verkstadhall for kompetansesenteret i samband med nytt skulebygg, er det skaffa ca 10 mill kr i finansiering av kompetansesenteret.

* Industrikonsulenten har for 2005-09 hatt **sekretariatsfunksjonen for Osterfjord Nærings-samarbeid**. Osterfjord Næringssamarbeid vert finansiert m.a. med tilskott frå Hordaland fylkeskommune. Osterfjordregionen får også midlar

via Hordaland fylkeskommune til **Regionalt næringsfond for Osterfjord**. Sjå eiga årsmelding.

* Ei viktig oppgåve i Osterfjord Næringsamarbeid har vore gjennomføring av eit **utviklingsporsjekt for å utløyse bioenerginæringa i Hordaland**. På slutten av 2005 sette fylkestinget av ei ramme på 4 mill kr over 3 år til denne satsinga med Industrikonsulenten som prosjektleiar. Prosjektet vart i 2008 forlenga til ut 2010. Ved utgangen av 2009 var det att vel 1 mill kr av løvvinga. For oppdatert informasjon, sjå www.rup.no, søk «bioenergi-næring».

* Industrikonsulenten har vore pådrivar for å få i stand ein **samarbeidsavtale mellom Osterfjord-regionen og Høgskulen i Bergen**. Avtale vart inngått 15.3.2007. Industrikonsulenten er gjennom Osterfjord Næringsamarbeid medlem av samarbeids-utvalet som er oppretta (første halvår som leiar). Samarbeidsutvalet har arbeidd for å få studentar ved **Høgskolen i Bergen** til å gjennomføre **hovudoppgåver for bedriftene**. Høgskulen har lyft ut ein premie på kr 10.000 til den beste besvarelsen med tema /oppgåve knytt til Osterfjordregionen. Responsen har ikkje vore stor, men nokre prosjekt er på gang.

Samarbeidsutvalet førebur søknad til det nye **regionale forkingsfondet for Vestlandet** der teknologileiing og CNC og robot er mellom aktuelle tema.

* Industrikonsulenten har vore pådrivar for etablering av eit **nettverk for avansert bruk av robotar**. Innovasjon Norge har ytt tilskott på kr 300.000 til eit forprosjekt. Av 7 deltakarar er 4 Osterøy-verksemder samt Kompetansesenteret for CNC og robot frå Osterøy. Industrikonsulenten er engasjert som prosjektleiar.

* Industrikonsulenten har vore pådrivar for å söke **Leonardo da Vinci stipend** for ein **europeisk partnerskap innan kompetansesenter for CNC og robot, CaRPs**. Ca 1 mill kr vart innvilga i juni 2009. Det er med 11 partnerar i 5 land. Osterøy Industrilag er koordinator. Hordaland fylkeskommune har ytt eit tilskott på kr 400.000 som støtte til koordineringsfunksjonen. Elles frå Noreg deltek Kompetansesenteret for CNC og robot og Mjøs Metallvarefabrikk AS. Frå Sverige deltek maskinforhandlaren RAVEMA. I Slovenia er 2 skular partnerar. I Tyskland er ein skule, ei verksemd og det internasjonale kontoret ved det tekniske universitetet i Ilmenau partnerar. I Litauen er ei verksemd og eit regionforskningsinstitutt partnerar. Instituttet har knytt til seg det tekniske universitetet i Kaunas som "silent partner".

* Industrikonsulenten er oppnemnd som regionane sin representant i **styret for programmet livOGLyst** i regi av Hordaland fylkeskommune, Fylkesmannen i Hordaland, Innovasjon Norge og Sparebanken Vest. Dette er ei større, felles satsing for lokalsamfunnsutvikling og entreprenørskap. På Osterøy er **Vener**

av **Mjøsvågen** med i programmet, i 2009 som «assosiert» medlem.

* Industrikonsulenten har bidratt med innhald til den nye portalen www.kom-an.no for m.a. Osterøy kommune, Osterfjord Næringsamarbeid, Industrikonsulenten på Osterøy og Osterøy Industrilag.

MØTE, KURS, FOREDRAG

Forutan møteverksemd mm. i samband med ovan-nemnde kan nemnast:

- Delteke ved fleire møte i regi av **Næringsalliansen**.
- Deltakar i arbeidsgruppe for utarbeiding av **klimaplan for Hordaland**.
- Delteke ved **næringsutviklingskonferansen** for Hordaland; "Slik gjer vi det" og ved **entreprenørskapskonferanse** for Hordaland.
- Delteke ved fleire seminar i regi av **Senter for internasjonalisering av høgare utdanning**, SiU, både søkerseminar og stand/presentasjoner av **Leonardo da Vinci CNC and Robotics Partnerships**.
- Som koordinator for **Leonardo da Vinci CNC and Robotics Partnerships**: Reise til Thüringen i Tyskland for å finne partner, omvising for representant for Eurupakkommisjonen og skiping av avspark-konferanse på Osterøy i oktober.
- Delteke ved møte for **regionale tiltakskontor**.
- Delteke ved fleire tilskipingar i regi av **Innovasjon Norge Hordaland sitt mentor-program**.
- Delteke ved **heimesidekurs** m.a. for å lage presentasjoner på www.kom-an.no
- Lagt opp og delteke ved besøksrunde for den nye **rådmannen** tl ei rekje Osterøy-bedrifter.
- Skipa til studietur til Jönköping i Sverige for **Robotiseringsnettverket**.
- Delteke ved møte i Bergen om **Thüringen-fond**.
- Bistått installatør **Magnus M Thunestvedt AS** i planlegging av møte med presentasjon av m.a. [www.energen.no](http://www.energien.no)
- Delteke ved synfaring på Osterøy for **fylkeslandbruksstyret**.
- Besøk hjå **Jets AS på Hareid**.
- Delteke ved seminar og utstilling ved **Høgskolen i Bergen**, HiB; Expo 2009.
- Møte med **NCE Subsea**.
- Delteke ved **næringskonferanse på Mongstad**.
- Delteke ved møte i Vaksdal om **opplevelingscenter for laks**.
- Delteke ved møte i regi av **Business Region Bergen**, m.a. om næringsareal og om strategisk næringsplan for Bergensregionen.
- Foredrag på **kurs i næringsutvikling** for førstelinetenesta i Hordaland.

STYRINGSUTVAL

Styringsutvalet har hatt følgjande samansetjing:

Formann : Lars Magne Bysheim

Willy Helgesen, vara Jorunn Jacobsen
Svein Skulstad, vara Jostein Jacobsen
Ordførar Kari Forseid Aakre.

DØME PÅ SPØRSMÅL SOM INDUSTRI-KONSULENTEN HAR HANDSAMA I 2009

- I jobben min har eg sett at det kan vere gode mogleigheter for å starte import frå mitt heimland Polen. Kan eg få hjelp til å registrere mitt eige firma?
- Me ønskjer å bli miljøfyrtårn-bedrift. Er denne ordninga etablert i Osterøy kommune?
- Me skal investere i ei ny, avansert målemaskin. Finst det noko ordning med opplæringsstøtte no i desse lavkonjunktur-tider?
- Eg vil starte mi eiga bedrift og kan få behalde dagpengane hjå NAV. Dei seier eg kan spørje deg om å lage ei næringsfagleg vurdering.

- Eg og kjærasten min har nyleg kome frå Litauen for å søke arbeid og eventuelt starte eige firma. Me har vene her på Osterøy. Korleis skal me registrere oss?
- Me vil søke Skattefunn for eit nytt utviklingsprosjekt me er i gang med. Kan du hjelpe oss?
- Eg driv tilleggsnæring til garden. No vil me føre opp vårt eige bygg til denne verksemda. Kan du hjelpe meg med BU-søknaden?
- Eg vil tilby brøyting og strøng. Er det da krav om moms?
- Eg har fått sluttspakke og vil starte mitt eige konsulentfirma. Kan eg få hjelp til registreringa?

REKNESKAP 2009

Rekneskapen er ført etter kontantprinsippet. Inntekter frå fleire store prosjekt som det er arbeidd med/ har vore kostnader med i 2009, kjem ikkje før seinare.

Kasserar: Lars Mjøs. Revisor: Norodd Helle

Konsulenthonorar	71 200,00
Sekretær Osterøy Industrilag	40 000,00
Tilskott frå Osterøy kommune	150 000,00
Tilskott frå Osterfjord Næringsamarbeid	105 000,00
Tilskott frå andre	46 600,40
Renteinntekter	14 873,32
Sum inntekter	427 673,72
Løn inkl sos utgifter	480 973,00
Revisjon	1 000,00
Kontorkostnader	5 003,35
Møtekostnader	12 369,97
Telekostnader	4 878,97
Reise/diett elles	52 423,69
Km godtjersle	9 845,50
Gebyr	147,00
Sum utgifter	566 641,48
Overskott/underskott	-138 967,76
Kundefordringar	75 000,00
Bankkonti	898 050,94
Sum eiga	973 050,94
Skuldig skattetrekk	16 035,00
Skuldig mva	17 283,00
Skuldig arbeidsgjeveravgift	10 456,00
Eigenkapital	929 276,94
Sum gjeld og eigenkapital	973 050,94

INDUSTRIKONSULENTEN PÅ OSTERØY

TIL DI TENESTE

FOR KVEN ?

Alle som driv eller har lyst til å driva næringsverksemd på Osterøy, har høve til å nytta Industrikonsulenten. Verksemda di eller planane dine kan vera frå dei minste til dei største og i alle bransjar.

KVA SLAG SPØRSMÅL ?

Alle typar spørsmål som har med næringsverksemd å gjera, kan rettast til Industrikonsulenten. Me vil anten kunne svara på dei sjølv eller finna fram til stader der du kan få svar. Alle opplysningar vert handsama fortruleg.

KVA KOSTAR DET ?

Tenestene til Industrikonsulenten er gratis dersom du er nyetablerar eller me treng kort tid for å finna svar på spørsmålet ditt. Dersom spørsmålet ditt krev meir arbeid, må du etter avtale betale ein timepris frå kr 450 til kr 550.

KVEN STÅR BAK ?

Det er Osterøy Industrilag som har teke initiativ til stillinga og tilsett Industrikonsulenten. Osterøy kommune støttar stillinga økonomisk og held kontor, telefon og breiband. Industrilaget betaler sekretærgodtgjersle og ein del inntekter kjem frå oppdrag me utfører for næringslivet og for Hordaland fylke. Ordføraren er representert i styringsutvalet for verksemda.

KVEN ER ME ?

Lars Mjøs har vore tilsett i deltids-stilling som Industrikonsulent sidan 1982. Han er utdanna sivilingeniør, maskinlina, ved Norges Tekniske Høgskule, no NTNU. Han har vidareutdanning innan undervisning og miljøvern, mellom anna arbeidsmiljøspørsmål.

Han har vore med å skrive boka "Fem små mekaniske verksteder" og boka "Grunnbok i bedriftslære".

Han har 1 års verkstadpraksis frå Nylands Mekaniske Verksted i Oslo før han tok til med utdanninga og han har arbeidd 2 år som skipsvinsjkonstruktør ved BMV, Hordvikneset. Han driv også eiga konsulentverksemd med etableraropplæring og nyskaping som spesialitet.

KORLEIS FÅ TAK I INDUSTRIKONSULENTEN ?

Ring direktenummer 56 19 22 70, mobil 416 28 531, faks 56 19 21 01. E-postadressa er; lars.mjøs@osteroyindustrilag.no. Du kan og vitje Industrikonsulenten i "bustaden" ved rådhuset på Hatland. Send eller legg att ei melding om du ikkje treff nokon på kontoret. Nærare informasjon finn du på www.osteroyindustrilag.no/indkons og på www.kom-an.no